



**VIJEĆE MINISTARA  
BOSNE I HERCEGOVINE**

966

Na osnovu člana 16., člana 17. stav 2. i člana 35. stav 2. Zakona o hrani ("Službeni glasnik BiH", broj 50/04) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine, na 58. sjednici održanoj 24. jula 2013. godine, donijelo je

**ODLUKU  
O POSEBNIM USLOVIMA ZA UVOZ ODREĐENE  
HRANE IZ ODREĐENIH ZEMALJA ZBOG RIZIKA OD  
KONTAMINIRANOSTI AFLATOKSINIMA**

Član 1.  
(Predmet)

Ovom odlukom se propisuju posebni uslovi za uvoz određene hrane iz određenih zemalja zbog rizika od kontaminiranosti aflatoksinima.

Član 2.  
(Definicije)

Za potrebe ove odluke primjenjuju se definicije iz Zakona o hrani ("Službeni glasnik BiH", broj 50/04), *Pravilnika o službenim kontrolama koje se provode radi verifikacije postupanja u skladu sa odredbama propisa o hrani i hrani za životinje te propisa o zdravlju i dobrobiti životinja* ("Službeni glasnik BiH", broj 5/13) i sljedeće definicije:

- a) "Određeno mjesto uvoza (OMU)" je tačno određeno mjesto uvoza u zemlju koje određuje nadležni organ i preko kojega je dopušten uvoz hrane iz člana 3. stav (1) ove odluke u Bosnu i Hercegovinu.

- b) "Mjesto prvog unosa (MPU)" je mjesto na kojem pošiljka prvi put fizički ulazi na područje Bosne i Hercegovine.
- c) "Nadležni inspekcijski organi" su nadležni inspekcijski organi definisani u članu 4. *Pravilnika o službenim kontrolama koje se provode radi verifikacije postupanja u skladu sa odredbama propisa o hrani i hrani za životinje te propisa o zdravlju i dobrobiti životinja.*

Član 3.  
(Primjena)

- (1) Odredbe ove odluke primjenjuju se pri uvozu sljedeće hrane i iz nje dobivenih prehrambenih proizvoda i njihovih sastojaka:
- a) Hrana porijeklom ili poslana iz Brazila:
- 1) brazilski orasi u ljusci tarifne oznake 0801 21 00;
  - 2) mješavine orašastih plodova ili suhog voća tarifne oznake 0813 50, a koje sadrže brazilske orahe u ljusci.
- b) Hrana porijeklom ili poslana iz Kine:
- 1) kikiriki u ljusci ili oljušten tarifne oznake 1202 41 00 ili tarifne oznake 1202 42 00;
  - 2) kikiriki tarifne oznake 2008 11 91 (u neposrednim pakovanjima neto mase veće od 1 kg) ili tarifne oznake 2008 11 98 (u neposrednim pakovanjima neto mase ne veće od 1 kg);
  - 3) prženi kikiriki tarifne oznake 2008 11 96 (u neposrednim pakovanjima neto mase ne veće od 1 kg).
- c) Hrana porijeklom ili poslana iz Egipta:
- 1) kikiriki u ljusci ili oljušten tarifne oznake 1202 41 00 ili tarifne oznake 1202 42 00;
  - 2) kikiriki tarifne oznake 2008 11 91 (u neposrednim pakovanjima neto mase veće od 1

- kg) ili tarifne oznake 2008 11 98 (u neposrednim pakovanjima neto mase ne veće od 1 kg);
- 3) prženi kikiriki tarifne oznake 2008 11 96 (u neposrednim pakovanjima neto mase ne veće od 1 kg).
- d) Hrana porijeklom ili poslana iz Irana:
- 1) pistacije tarifne oznake 0802 51 00 ili 0802 52 00;
  - 2) pržene pistacije tarifne oznake 2008 19 13 (u neposrednim pakovanjima neto mase veće od 1 kg) ili tarifne oznake 2008 19 93 (u neposrednim pakovanjima neto mase ne veće od 1 kg).
- e) Hrana porijeklom ili poslana iz Turske:
- 1) suhe smokve tarifne oznake 0804 20 90;
  - 2) lješnjaci (*Corylus spp.*) u ljusci ili oljušteni pod oznakom KN 0802 21 00 ili 0802 22 00;
  - 3) pistacije tarifne oznake 0802 51 00 ili 0802 52 00;
  - 4) mješavine orašastih plodova ili suhog voća tarifne oznake 0813 50, a koje sadrže smokve, lješnjake ili pistacije;
  - 5) paste od smokava, pistacija i lješnjaka tarifne oznake 2007 10 ili tarifne oznake 2007 99;
  - 6) lješnjaci i pistacije, prerađeni ili konzervirani, uključujući mješavine, koji se svrstavaju pod tarifnu oznaku 2008 19, te smokve, prerađene ili konzervirane, koje se svrstavaju pod tarifne oznake 2008 99, uključujući mješavine koje se svrstavaju pod tarifne oznake 2008 97;
  - 7) brašno, krupica i prah lješnjaka, smokava i pistacija tarifne oznake 1106 30 90;
  - 8) lješnjaci rezani u komadiće i ploške i smrvljeni tarifne oznake 0802 22 00 i tarifne oznake 2008 19.
- f) Hrana porijeklom ili poslana iz Sjedinjenih Američkih Država:
- 1) bademi u ljusci tarifne oznake 0802 11 ili bademi oljušteni tarifne oznake 0802 12;
  - 2) prženi bademi tarifne oznake 2008 19 13 (u neposrednim pakovanjima neto mase veće od 1 kg) ili tarifne oznake 2008 19 93 (u neposrednim pakovanjima neto mase ne veće od 1 kg);
  - 3) mješavine orašastih plodova ili suhog voća tarifne oznake 0813 50, a koje sadrže bademe.
- (2) Odredbe stava (1) ovoga člana ne primjenjuju se na pošiljke hrane bruto mase koja nije veća od 20 kg niti na prerađene ili složene prehrambene proizvode koji sadrže hranu iz stava (1) tač. b) do f) ovoga člana u udjelu manjem od 20%.

Član 4.  
(Uvoz)

Pošiljka hrane iz člana 3. stava (1) ove odluke (u daljnjem tekstu: hrana) smije se uvoziti u Bosnu i Hercegovinu samo u skladu s postupcima propisanim ovom odlukom.

Član 5.

(Zdravstveni certifikat i rezultati uzorkovanja i analiza)

- (1) Hranu koja se uvozi u Bosnu i Hercegovinu moraju pratiti rezultati uzorkovanja i analiza te Zdravstveni certifikat za koji je propisan obrazac iz Aneksa I, koji je sastavni dio ove odluke.

- (2) Zdravstveni certifikat iz stava (1) ovoga člana mora biti potpun, potpisan i pečatiran od strane ovlaštenih predstavnika sljedećih organa:
- a) Ministarstva poljoprivrede, stočarstva i opskrbe hranom (Ministério da Agricultura, Pecuária e Abastecimento (MAPA)) - za hranu iz Brazila;
  - b) Državne uprave za inspekciju uvoza-izvoza i karantenu Narodne Republike Kine (the State Administration for Entry-Exit inspection and Quarantine of the People's Republic of China) - za hranu iz Kine;
  - c) Egipatskog ministarstva poljoprivrede (the Egyptian Ministry of Agriculture) - za hranu iz Egipta;
  - d) Iranskog ministarstva zdravstva (the Iranian Ministry of Health) - za hranu iz Irana;
  - e) Opće uprave za zaštitu i kontrolu Ministarstva poljoprivrede i ruralnih poslova Republike Turske (the General Directorate of protection and Control of the Ministry of Agriculture and Rural Affairs of the Republic of Turkey) - za hranu iz Turske;
  - f) Ministarstva poljoprivrede Sjedinjenih Američkih Država (USDA) (the United States Department of Agriculture (USDA)) - za hranu iz Sjedinjenih Američkih Država.
- (3) Zdravstveni certifikat sastavljen je na službenom jeziku države izvoznice i na jednom od jezika u službenoj upotrebi u Bosni i Hercegovini.
- (4) Zdravstveni certifikat iz stava (1) ovoga člana valjan je za uvoz hrane u Bosnu i Hercegovinu najviše četiri mjeseca od datuma izdavanja.
- (5) Uzorkovanje i analize iz stava (1) ovoga člana moraju se provesti u skladu sa *Pravilnikom o metodama uzorkovanja i analiza za službenu kontrolu količine mikotoksina u hrani* ("Službeni glasnik BiH", br. 37/09 i 68/12).
- (6) Svaka pošiljka hrane mora biti označena lotom koji odgovara lotu na rezultatima uzorkovanja i analiza te Zdravstvenom certifikatu iz stava (1) ovoga člana. Svaka pojedina vreća ili drugi oblik pakovanja iz pošiljke mora se obilježiti tim lotom.

Član 6.

(Prethodna obavijest o pošiljci)

- (1) Subjekt u poslovanju s hranom ili njegov predstavnik odgovoran za pošiljku mora dostaviti prethodnu obavijest o predviđenom datumu i vremenu fizičkog dolaska pošiljke na mjesto prvog unosa (MPU) i prirodni pošiljke.
- (2) U svrhu dostave obavijesti iz stava (1) ovoga člana subjekat u poslovanju s hranom ili njegov predstavnik odgovoran za pošiljku mora ispuniti Dio I. Zajedničkog ulaznog dokumenta (ZUD) iz Aneksa II, koji je sastavni dio ove odluke, te ga dostaviti osobi ovlaštenoj za provođenje službene kontrole na mjesto prvog unosa (MPU) najmanje jedan radni dan prije fizičkog dolaska pošiljke.
- (3) Subjekt u poslovanju s hranom popunjava Zajednički ulazni dokument (ZUD) iz stava (2) ovog člana prema smjernicama propisanim u Aneksu III, koji je sastavni dio ove odluke.

Član 7.

(Određena mjesta uvoza (OMU))

- (1) Nadležni organi i organi nadležni za provođenje službenih kontrola moraju osigurati da određena mjesta uvoza (OMU) zadovoljavaju sljedećim zahtjevima:
- a) prisutnost edukovane osobe ovlaštene za provođenje službene kontrole u svrhu provođenja službene kontrole nad pošiljkama hrane;

- b) dostupnost detaljnih uputa za provođenje uzorkovanja za analizu i dostavu uzoraka u ovlaštene laboratorije u skladu s odredbama iz Aneksa I Pravilnika o metodama uzorkovanja i analiza za službenu kontrolu količine mikotoksina u hrani;
- c) mogućnost istovara i uzorkovanja za analize u natkrivenom prostoru na određenom mjestu uvoza (OMU). Izuzetno, u slučaju da se pošiljka mora prevesti do mjesta na kojem se može provesti uzorkovanje, ista mora biti pod nadzorom osobe ovlaštene za provođenje službene kontrole od određenog mjesta uvoza (OMU) do mjesta uzorkovanja;
- d) dostupnost prostora za skladištenje pošiljaka kao i skladišta za skladištenje zadržanih pošiljaka u prikladnim uslovima dok se čekaju rezultati analiza;
- e) dostupnost opreme za istovar i odgovarajuće opreme za uzorkovanje za analize;
- f) dostupnost ovlaštenog laboratorija za analizu aflatoksina, a koji se nalazi na mjestu do kojeg se uzorci mogu dostaviti u kratkom vremenskom razdoblju i koji je u mogućnosti obaviti analizu u primjerenom vremenskom roku.
- (2) Organi nadležni za provođenje službenih kontrola moraju dostaviti spisak određenih mjesta uvoza (OMU) Agenciji za sigurnost hrane Bosne i Hercegovine (u daljem tekstu: Agencija).
- (3) Agencija redovno ažurira popis određenih mjesta uvoza (OMU) iz stava (2) ovoga člana.
- (4) Agencija ažurirani popis određenih mjesta uvoza (OMU) iz stava (2) ovoga člana redovno objavljuju na portalu Agencije ([www.fsa.gov.ba](http://www.fsa.gov.ba)).
- (5) Subjekti u poslovanju s hranom moraju osigurati istovar pošiljke hrane potreban za provedbu reprezentativnog uzorkovanja.
- (6) U slučaju posebnog transporta ili posebnih načina pakovanja odnosno ukoliko se uzorkovanje ne može provesti uobičajenom opremom za uzorkovanje, subjekat u poslovanju s hranom mora osobi ovlaštenoj za provođenje službene kontrole osigurati prikladnu opremu za uzorkovanje.
- Član 8.**  
(Službene kontrole)
- (1) Službene kontrole prije puštanja u slobodni promet kao i ispunjavanje Zajedničkog ulaznog dokumenta (ZUD) iz člana 6. stav (2) ove Odluke moraju biti završene u roku od 15 radnih dana od trenutka kada je pošiljka dopremljena za uvoz i fizički dostupna za uzorkovanje na određenom mjestu uvoza (OMU).
- (2) Osoba ovlaštena za provođenje službene kontrole na mjestu prvog unosa (MPU) mora provesti dokumentacijski pregled sve hrane namijenjene uvozu u Bosnu i Hercegovinu kako bi se osiguralo da je udovoljeno zahtjevima vezano za rezultate uzorkovanja i analiza te Zdravstveni certifikat iz člana 5. ove odluke.
- (3) Ako pošiljku hrane ne prate rezultati uzorkovanja i analize te Zdravstveni certifikat iz člana 5. stav (1) ove odluke, pošiljka ne smije ući u Bosnu i Hercegovinu zbog uvoza u Bosnu i Hercegovinu te se mora otpremiti natrag u zemlju porijekla ili uništiti.
- (4) Osoba ovlaštena za provođenje službene kontrole na mjestu prvog unosa (MPU) u Bosnu i Hercegovinu odobrava transport pošiljke do određenog mjesta uvoza (OMU) tek nakon dobivanja zadovoljavajućih rezultata pregleda iz stava (2) ovoga člana. Originalni Zdravstveni certifikat mora pratiti pošiljku tokom transporta.
- (5) Prije puštanja pošiljke u slobodni promet, osoba ovlaštena za provođenje službene kontrole mora na određenom mjestu uvoza (OMU) iz pošiljaka uzeti uzorak za analizu na aflatoksin B1 kao i za analizu ukupnih aflatoksina učestalošću propisanom u stavu (6) ovoga člana i u skladu s Aneksom I *Pravilnika o metodama uzorkovanja i analiza za službenu kontrolu količine mikotoksina u hrani*.
- (6) Uzorkovanje za analizu iz stava (5) ovoga člana provodi se na:
- približno 50% pošiljaka hrane iz Brazila;
  - približno 20% pošiljaka hrane iz Kine;
  - približno 20% pošiljaka hrane iz Egipta;
  - približno 50% pošiljaka hrane iz Irana;
  - približno 5% pošiljaka za svaku kategoriju lješnjaka i iz njega dobivenih proizvoda iz Turske iz člana 3. stava (1) tačke e) alineje 2) i alineje 4) do alineje 8) ove odluke, približno 20 % pošiljaka za svaku kategoriju suhih smokava i prerađevina iz Turske iz člana 3. stava (1) tačke e) alineje 1) i alineje 4) do alineje 7) ove odluke te približno 50% pošiljaka za svaku kategoriju pistacija i prerađevina iz Turske iz člana 2. stava (1) tačke e) alineje 3) do 7) ove odluke;
  - na osnovu nasumičnih pregleda za pošiljke hrane iz Sjedinjenih Američkih Država iz člana 2. stava (1) tačke f) ove odluke.
- (7) Nakon obavljenih pregleda, osoba ovlaštena za službene kontrole mora:
- popuniti odgovarajuća polja Dijela II. Zajedničkog ulaznog dokumenta (ZUD) iz Aneksa II ove odluke
  - objediniti rezultate uzorkovanja i analiza;
  - potpisati i pečatirati original Zajedničkog ulaznog dokumenta (ZUD);
  - izraditi i zadržati presliku potpisanog i pečatiranog Zajedničkog ulaznog dokumenta (ZUD).
- Osoba ovlaštena za provođenje službene kontrole popunjava Zajednički ulazni dokument (ZUD) prema smjernicama propisanim u Aneksu III ove odluke.
- (8) Original Zajedničkog ulaznog dokumenta (ZUD) mora pratiti pošiljku tokom prevoza do puštanja pošiljke u slobodni promet.
- (9) U svrhu puštanja pošiljke u slobodni promet, subjekat u poslovanju s hranom ili njegov predstavnik mora carinskim službama pokazati popunjeni Zajednički ulazni dokument (ZUD) potpisan i pečatiran od strane osobe ovlaštene za provođenje službene kontrole nakon završenih svih službenih kontrola te nakon dobivanja zadovoljavajućih rezultata fizičkog pregleda, ako su takvi pregledi bili zahtijevani.
- Član 9.**  
(Dijeljenje pošiljaka)
- (1) Pošiljka ne smije biti dijeljena sve dok službene kontrole nisu završene i dok osoba ovlaštena za provođenje službene kontrole ne popuni Zajednički ulazni dokument (ZUD) u skladu s odredbama člana 8. ove odluke.
- (2) U slučaju kasnijeg dijeljenja pošiljke, potpisana i pečatirana kopija Zajedničkog ulaznog dokumenta (ZUD) mora pratiti svaki dio pošiljke sve do puštanja istih u slobodni promet.

## Član 10.

(Dodatne odredbe vezano za uvoz hrane iz Sjedinjenih Američkih Država)

- (1) Vezano za uvoz hrane iz Sjedinjenih Američkih Država, analizu iz člana 5. stav (1) ove odluke mora obaviti laboratorij koji je od strane Ministarstva poljoprivrede Sjedinjenih Američkih Država (USDA) odobren za analize aflatoksina.
- (2) Na Zdravstvenom certifikatu iz člana 5. stav (1) ove odluke koji prati pošiljke hrane iz člana 3. stav (1) tačka f) ove Odluke mora se navesti upućivanje na Plan dobrovoljnog uzorkovanja aflatoksina.

## Član 11.

(Troškovi)

Sve troškove koji proizlaze iz službenih kontrola, uključujući uzorkovanje, analizu, skladištenje, kao i sve mjere

poduzete u slučaju neispunjavanja obaveza snosi subjekat u poslovanju s hranom.

## Član 12.

(Dostupnost Zajedničkog ulaznog dokumenta)

Subjektima u poslovanju sa hranom je Zajednički ulazni dokument (ZUD) dostupan na portalu Agencije ([www.fsa.gov.ba](http://www.fsa.gov.ba)).

## Član 13.

(Stupanje na snagu)

Ova odluka stupa na snagu osmog dana od dana objavljivanja u "Službenom glasniku BiH".

VM broj 194/13  
24. jula 2013. godine  
Sarajevo

Predsjedavajući  
Vijeća ministara BiH  
**Vjekoslav Bevanda**, s. r.

**ANEKS I****ZDRAVSTVENI CERTIFIKAT ZA UVOZ U BOSNU I HERCEGOVINU**.....<sup>(1)</sup>

Oznaka (lot) pošiljke: ..... Broj certifikata: .....

U skladu s odredbama Odluke o posebnim uslovima za uvoz određene hrane iz određenih zemalja zbog rizika od kontaminiranosti aflatoksinima

..... (nadležni organ iz člana 5. stav (2))

POTVRĐUJE da je .....

..... (navesti hranu iz člana 2.)

iz ove pošiljke sastavljena od: .....

.....(opis pošiljke, hrane, broj i vrsta pakovina, bruto ili neto masa)

utovaren u ..... (mjesto utovara)

od strane ..... (naziv prevoznika)

upućen u .....(odredišno mjesto i država)

koji dolazi od subjekata.....(naziv i adresa subjekata) a koja je proizvedena, sortirana, obrađena, prerađena, pakirana i prevezena u skladu s dobrom higijenskom praksom.

Iz ove su pošiljke uzeti uzorci u skladu s Pravilnikom o metodama uzorkovanja i analiza za službenu kontrolu količine mikotoksina u hrani („Službeni glasnik BiH“, br. 37/09 i 68/12).....(datum), te su podvrgnuti laboratorijskoj analizi .....(datum)

u..... (naziv laboratorija),

kako bi se utvrdila količina aflatoksina B1 i ukupna količina aflatoksina. U prilogu se nalaze detaljni podaci o uzorkovanju, metodama analiza i svi rezultati.

Ovaj je certifikat valjan do .....

Sastavljeno u: ..... dana .....

Pečat i potpis ovlaštenog predstavnika organa iz člana 5. stav (2).

---

<sup>1</sup> Proizvod i zemlja porijekla

## ANEKS II

## BOSNA I HERCEGOVINA

*(Entitet/Brčko distrikt)*

## ZAJEDNIČKI ULAZNI DOKUMENT (ZUD)

## Dio I: Pojediniosti o poslanoj pošiljci

I.1. Pošiljalac Naziv Adresa Zemlja  + ISO kod	I.2. Referentni broj ZUD-a	
	Granični prelaz (OMU)	
	Broj OMU jedinice	
I.3. Primalac Naziv Adresa Poštanski broj Zemlja  + ISO kod	I.4. Osoba odgovorna za pošiljku Ime Adresa	
	I.5. Zemlja + ISO kod porijekla	I.6. Zemlja + ISO kod iz koje se šalje pošiljka
I.7. Uvoznik Naziv Adresa Poštanski broj Zemlja  + ISO kod	I.8. Mjesto odredišta Naziv Adresa Poštanski broj Zemlja  + ISO kod	
I.9. Dospjeće na OMU (predviđen datum) Datum	I.10. Dokumenti Broj: Datum izdavanja:	
I.11. Prevozno sredstvo Avion <input type="checkbox"/> Brod <input type="checkbox"/> Željeznički vagon <input type="checkbox"/> Cestovno vozilo <input type="checkbox"/> Identifikacija: Dokumentacijske reference:		
I.12. Opis robe	I.13. Tarifna oznaka robe (TO kod)	
	I.14. Bruto masa/Neto masa	
	I.15. Broj pakovanja	
I.16. Temperatura  Sobna <input type="checkbox"/> Rashladeno <input type="checkbox"/> Smrzuto <input type="checkbox"/>	I.17. Vrsta pakovanja	
I.18. Pošiljka namijenjena za  Ljudsku potrošnju <input type="checkbox"/> Dalju preradu <input type="checkbox"/> Hranu za životinje <input type="checkbox"/>		
I.19. Broj plombe(žiga) i broj kontejnera		
I.20. Za prevoz do <input type="checkbox"/> Mjesto kontrole	Broj jedinice mjesta kontrole	I.21.
I.22. Za uvoz <input type="checkbox"/>		I.23.
I.24. Prevozno sredstvo do mjesta kontrole Željeznički vagon <input type="checkbox"/> Broj registracije Avion <input type="checkbox"/> Broj leta Brod <input type="checkbox"/> Naziv Drumsko vozilo <input type="checkbox"/> Broj registarskih tablica		
I.25. Izjava Ja, dole potpisana osoba odgovorna za pošiljku	Mjesto i datum izjave	

<p>detaljno opisano u tekstu iznad, potvrđujem da su, koliko je meni poznato i u skladu s mojim uvjerenjem, izjave upisane u Dijelu I. ove isprave istinite i potpune i saglasan sam sa udovoljavanjem zakonskih zahtjeva <i>Pravilnika o službenim kontrolama koje se provode radi verifikacije postupanja u skladu sa odredbama propisa o hrani i hrani za životinje te propisa o zdravlju i dobrobiti životinja („Službeni glasnik BiH“, broj 05/13)</i>, uključujući plaćanje službenih kontrola, te posljedične službene mjere u slučaju neusklađenosti sa važećim propisima.</p>	<p>Ime i prezime potpisnika</p> <p>Potpis</p>
--	---

**BOSNA I HERCEGOVINA****Zajednički ulazni dokument (ZUD)***(Entitet/Brčko distrikt)***Dio II: Odluka o pošiljci**

II.1. Referentni broj ZUD-a	II.2. Referentni carinski dokument
II.3. Dokumentacijski pregled Zadovoljavajuće <input type="checkbox"/> Nezadovoljavajuće <input type="checkbox"/>	II.4. Pošiljka odabrana za fizički pregled Da <input type="checkbox"/> Ne <input type="checkbox"/>
II.5. PRIHVATLJIVO za <input type="checkbox"/> prevoz Mjesto kontrole: _____ Broj jedinice mjesta kontrole _____	II.7. Pojediniosti kontrolnih odredišta (II.6.) Broj odobrenja (kada je relevantno) Adresa Poštanski broj
II.6. NEPRIHVATLJIVO <input type="checkbox"/> 1. Vraćanje i preusmjeravanje <input type="checkbox"/> 2. Uništavanje <input type="checkbox"/> 3. Prerada i obrada <input type="checkbox"/> 4. Prenamjena <input type="checkbox"/>	II.9. Službeni inspektor Ja, niže potpisani službeni inspektor OMU-a potvrđujem da su pregledi pošiljke provedeni u skladu sa važećim propisima u BiH.
II.8. Potpuna identifikacija OMU-a i službeni pečat <input type="checkbox"/> OMU _____ Pečat _____ Broj OMU jedinice _____	II.11. Identifikacijski pregled Da <input type="checkbox"/> Ne <input type="checkbox"/> Zadovoljavajuće <input type="checkbox"/> Nezadovoljavajuće <input type="checkbox"/>
II.10. 	II.13. Laboratorijske analize Ispitivano na _____ Rezultati:      Zadovoljavajuće <input type="checkbox"/> Nezadovoljavajuće <input type="checkbox"/>
II.12. Fizički pregled Zadovoljavajuće <input type="checkbox"/> Nezadovoljavajuće <input type="checkbox"/>	II.15. 
II.14. PRIHVATLJIVO za puštanje u slobodni promet <input type="checkbox"/> Ljudska potrošnja <input type="checkbox"/> Dalja prerada <input type="checkbox"/> Hrana za životinje <input type="checkbox"/> Ostalo <input type="checkbox"/>	II.17. Razlog odbijanja 1. Nedostatak/Neispravni certifikat (ako je primjenjivo) <input type="checkbox"/> 2. Identifikacija: Nepodudaranje s dokumentima <input type="checkbox"/> 3. Fizičko higijenski nedostaci <input type="checkbox"/> 4. Hemijska kontaminacija <input type="checkbox"/> 5. Mikrobiološka kontaminacija <input type="checkbox"/> 6. Ostalo
II.16. NEPRIHVATLJIVO <input type="checkbox"/> 1. Vraćanje i preusmjeravanje <input type="checkbox"/> 2. Uništavanje <input type="checkbox"/> 3. Prerada i obrada <input type="checkbox"/> 4. Prenamjena <input type="checkbox"/>	II.18. Pojediniosti kontrolnih odredišta (II.16.) Broj odobrenja (kada je relevantno) Adresa Poštanski broj
II.19. Pošiljka ponovno plombirana Novi broj plombe _____	II.21. Ja, niže potpisani službeni inspektor OMU/Mjesta kontrole potvrđujem da su pregledi pošiljke provedeni u skladu sa važećim propisima u Bosni i Hercegovini. <b>Ime i prezime (štampanim slovima)</b>  <b>Datum</b> <b>Potpis</b>
II.20. Potpuna identifikacija OMU/Mjesta kontrole i službeni pečat  Pečat _____	



**Dio III: Kontrola**

III.1. Pojedinci o vraćanju i preusmjeravanju. Broj prevoznog sredstva					
Željeznički vagon <input type="checkbox"/>	Avion <input type="checkbox"/>	Brod <input type="checkbox"/>	Cestovno vozilo <input type="checkbox"/>		
Zemlja odredišta:		+ ISO kod			
Datum					
III.2. Ponovni pregled					
Dospijeće pošiljke			Jedinica lokalnog nadležnog organa <input type="checkbox"/>		
Da <input type="checkbox"/>	Ne <input type="checkbox"/>	Korespondencija o pošiljci		Da <input type="checkbox"/>	Ne <input type="checkbox"/>
III.3. Službeni inspektor					
Ime (Štampanim slovima)			Broj jedinice		
Adresa			Potpis		
Datum		Pečat			

**ANEKS III****Smjernice za popunu ZUD**

Opće: Popuniti dokument štampanim slovima. Napomene se prikazuju uz odgovarajući broj polja.

**Dio I. Ovaj odjeljak popunjava subjekat u poslovanju sa hranom za životinje i hranom ili njegov predstavnik, osim ako je naznačeno drugačije.**

- Polje I.1. Pošiljalac: naziv i puna adresa pravne ili fizičke osobe (subjekat u poslovanju sa hranom za životinje i hranom) koja šalje pošiljku. Preporučuju se informacije o brojevima telefona i telefaksa ili adresi elektronske pošte.
- Polje I.2. Ovo polje popunjavaju nadležni inspekcijski organi na određenom graničnom prelazu (OMU) kako je definisano članom 2.
- Polje I.3. Primalac: naziv i puna adresa pravne ili fizičke osobe (subjekat u poslovanju s hranom za životinje i hranom) kojoj se pošiljka šalje. Preporučuju se informacije o brojevima telefona i telefaksa ili adresi elektronske pošte.
- Polje I.4. Osoba odgovorna za pošiljku (kao i agent, deklarant ili subjekat u poslovanju s hranom za životinje i hranom): osoba koja je zadužena za pošiljku kada se ona pojavi na graničnom prelazu i koja daje potrebne deklaracije nadležnim inspekcijskim organima u ime uvoznika. Naznačiti ime (ime i prezime) i punu adresu. Preporučuju se informacije o brojevima telefona i telefaksa ili adresi elektronske pošte.
- Polje I.5. Zemlja porijekla: odnosi se na zemlju iz koje potiče roba, u kojoj je uzgojena, obrana ili proizvedena.
- Polje I.6. Zemlja iz koje je pošiljka poslana: odnosi se na zemlju u kojoj je pošiljka utovarena na konačno prevozno sredstvo.
- Polje I.7. Uvoznik: naziv i puna adresa. Preporučuju se informacije o brojevima telefona i telefaksa ili adresi elektronske pošte.
- Polje I.8. Mjesto odredišta: adresa isporuke u Bosni i Hercegovini. Preporučuju se informacije o brojevima telefona i telefaksa ili adresi elektronske pošte.
- Polje I.9. Dospijeće na OMU: upisati predviđeni datum na koji se očekuje dospijeće pošiljke na granični prelaz.
- Polje I.10. Dokumenti: naznačiti datum izdavanja i broj službenih dokumenata koji prate pošiljku, prema potrebi.
- Polje I.11. Upisati potpune pojedinosti o sredstvima dolaznog prevoza: za avion broj leta, za brod naziv broda, za cestovno vozila broj registarskih tablica sa brojem prikolice ako je potrebno, za vozove identitet voza i broj vagona. Dokumentacijske reference: broj avionske teretnice, broj tovarnog lista i komercijalni broj za željeznicu ili kamion.
- Polje I.12. Opis robe: molimo unijeti detaljni opis robe (uključujući vrstu hrane za životinje i ostale hrane).
- Polje I.13. Roba ili tarifna oznaka (TO) prema Harmonizovanom sistemu Svjetske carinske organizacije.

- Polje I.14. Bruto masa: sveukupna masa u kilogramima. Ona se definiše kao agregatna masa proizvoda i neposrednih kontejnera i svih njihovih pakovanja, ali isključujući prevozne kontejnere i ostalu opremu za prevoz. Neto masa: masa stvarnog proizvoda u kilogramima, isključujući pakovanje. Ona se definiše kao masa samih proizvoda bez neposrednih kontejnera ili bilo kakvih pakovanja.
- Polje I.15. Broj pakovanja.
- Polje I.16. Temperatura: naznačiti odgovarajuću vrstu/temperature skladištenja.
- Polje I.17. Vrsta pakovanja naznačiti vrstu pakovanja proizvoda.
- Polje I.18. Roba namijenjena za: označiti odgovarajuće polje zavisno o tome je li roba namijenjena ljudskoj potrošnji bez prethodnog sortiranja ili druge fizikalne obrade (u tom slučaju označiti polje "za ljudsku potrošnju") ili je namijenjena za ljudsku potrošnju nakon takve obrade (u tom slučaju označiti polje "dalja prerada") ili je namijenjena za upotrebu kao "hrana za životinje".
- Polje I.19. Upisati sve brojeve plombi i identifikacije kontejnera tamo gdje je to odgovarajuće.
- Polje I.20. Prevoz do mjesta kontrole: Granični prelaz označava to polje kako bi dopustio dalji prevoz do sljedećeg mjesta kontrole.
- Polje I.21. Nije primjenjivo.
- Polje I.22. Za uvoz: ovo se polje označava u slučaju da je pošiljka namijenjena uvozu
- Polje I.23. Nije primjenjivo.
- Polje I.24. Označiti odgovarajuće prevozno sredstvo.

**Dio II. Ovaj odjeljak popunjava nadležni inspekcijski organ.**

- Polje II.1. Koristiti isti referentni broj kao u polju I.2.
- Polje II.2. Za upotrebu carinskih službi, ako je to nužno.
- Polje II.3. Dokumentacijski pregled: ispunjava se za sve pošiljke.
- Polje II.4. Nadležni inspekcijski organ OMU-a naznačuje je li pošiljka odabrana za fizički pregled.
- Polje II.5. Nadležni inspekcijski organ OMU-a naznačuje, na koje se mjesto kontrole pošiljka može prevesti za fizički pregled.
- Polje II.6. Jasno naznačiti mjere koje se provode u slučaju odbijanja pošiljke radi nezadovoljavajućeg ishoda dokumentacijskog ili identifikacijskog pregleda. U polje II.7. potrebno je unijeti adresu odredišnog objekta u slučaju "Vraćanja i preusmjeravanja", "Uništavanja", "Prerade i obrade" i "Prenamjene".
- Polje II.7. Unijeti, kako je primjereno, broj odobrenja i adresu (ili naziv broda i luku) za sva odredišta u kojima se zahtijeva dalja kontrola pošiljke, na primjer za polje II.6. u slučaju "Vraćanja i preusmjeravanja", "Uništavanja", "Prerade i obrade" i "Prenamjene".
- Polje II.8. Staviti službeni pečat nadležnog inspekcijskog organa OMU-a.
- Polje II.9. Potpis odgovorne službene osobe ispred nadležnog inspekcijskog organa OMU-a.
- Polje II.10. Nije primjenjivo.
- Polje II.11. Nadležni inspekcijski organ OMU-a ovdje navodi rezultate identifikacijskih pregleda.

- Polje II.12. Nadležni inspekcijski organ OMU-a ovdje navodi rezultate fizičkih pregleda.
- Polje II.13. Nadležni inspekcijski organ OMU-a ovdje navodi rezultate laboratorijskih analiza. Popuniti ovo polje navodeći kategoriju materije ili patogena za koji je provedeno laboratorijsko ispitivanje.
- Polje II.14. Ovo se polje koristi za sve pošiljke koje se puštaju u slobodni promet unutar Bosne i Hercegovine.
- Polje II.15. Nije primjenjivo.
- Polje II.16. Jasno naznačiti koje se mjere trebaju provesti u slučaju odbijanja pošiljke radi nezadovoljavajućeg ishoda fizičkih pregleda, odnosno laboratorijske analize. Adresa odredišnog objekta u slučaju "Vraćanja i preusmjeravanja", "Uništavanja", "Prerade i obrade" i "Prenamjene" mora se unijeti u polje II.18.
- Polje II.17. Razlozi odbijanja: upotrijebiti kako je primjereno radi dodavanja odgovarajućih informacija. Označiti odgovarajuće polje.
- Polje II.18. Unijeti, kako je primjereno, broj odobrenja i adresu (ili naziv broda i luku) za sva odredišta u kojima se zahtijeva daljnja kontrola pošiljke, na primjer za polje II.16. u slučaju "Vraćanja i preusmjeravanja", "Uništavanja", "Prerade i obrade" i "Prenamjene".
- Polje II.19. Ovo polje koristiti samo ako je izvorna plomba koja je zabilježena na pošiljci uništena prilikom otvaranja kontejnera. Potrebno je voditi objedinjeni popis svih plombi koje su korištene u ovu svrhu.
- Polje II.20. Ovdje staviti službeni pečat nadležnog organi OMU-a ili nadležnog organi mjesta kontrole.
- Polje II.21. Potpis odgovorne službene osobe nadležnog organi OMU-a ili nadležnog organi mjesta kontrole.

**Dio III. Ovaj odjeljak popunjava nadležni inspekcijski organ.**

- Polje III.1. Pojediniosti o vraćanju i preusmjeravanju: nadležni inspekcijski organ OMU-a ili nadležno tijelo mjesta kontrole naznačuje korišteno prevozno sredstvo, njegovu identifikaciju, odredište i datum vraćanja i preusmjeravanja, čim ti podaci budu poznati.
- Polje III.2. Ponovni pregled: naznačiti lokalnu odgovornu jedinicu nadležnog organi, kako je primjereno, radi nadzora u slučaju "Uništavanja", "Prerade i obrade" i "Prenamjene" pošiljke. Ovo nadležno tijelo ovdje izvješćuje o ishodu dospijeca pošiljke i korespondenciji.
- Polje III.3. Potpis odgovorne službene osobe: nadležni inspekcijski organ OMU-a ili mjesta kontrole u slučaju "Vraćanja i preusmjeravanja". Potpis odgovorne službene osobe lokalnog nadležnog organi u slučaju "Uništavanja", "Prerade i obrade" i "Prenamjene".
-